



[www.qbz.gov.al](http://www.qbz.gov.al)

# Buletini i Njoftimeve Zyrtare I REPUBLIKËS SË SHQIPËRISË

Botim i Qendrës së Botimeve Zyrtare

Viti: 2020 – Numri: 28

**Tiranë – E hënë, 31 gusht 2020**

## PËRMBAJTJA

Faqe

|                                                                                 |                                                                                                                                                                                                                                                             |   |
|---------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------|---|
| Kërkesë e Ministrisë së Drejtësisë<br>nr. 4345/4, datë 24.8.2020                | Për shprehje interesi të kandidatëve të interesuar për t'u zgjedhur anëtarë të Bordit Disiplinor të Dhomës Kombëtare të Noterisë, si dhe të kandidatëve të interesuar për t'u zgjedhur anëtar i Komisionit Disiplinor të Përmbauesve Gjyqësorë Privatë..... | 3 |
| Njoftim i Ministrisë së Financave<br>dhe Ekonomisë nr. 15903,<br>datë 26.8.2020 | Për shitje me ankand të pronës shtetërore, në administrim të Institutit të Përgatitjes së Qenëve të Policisë Tiranë.....                                                                                                                                    | 5 |



**KËRKESË**

Nr. 4345/4, datë 24.8.2020

**PËR SHPREHJE INTERESI TË  
KANDIDATËVE TË INTERESUAR  
PËR T'U ZGJEDHUR ANËTARË TË  
BORDIT DISIPLINOR TË DHOMËS  
KOMBËTARE TË NOTERISË**

Në zbatim të nenit 42, të ligjit nr. 110/2018, “Për noterinë”, dhe të urdhrit të ministrit të Drejtësisë me nr. 169, datë 10.6.2020, “Për miratimin e rregullave të hollësishme për paraqitjen dhe për trajtimin e shprehjeve të interesit, si dhe verifikimin e plotësimit të kushteve ligjore për anëtarë të bordit disiplinor”, **Ministria e Drejtësisë shpall kërkesën për shprehje interesi të kandidatëve të interesuar për t’u zgjedhur anëtarë të Bordit Disiplinor të Dhomës Kombëtare të Noterisë, për 2 anëtarët të cilët zgjidhen nga ministri i Drejtësisë.**

1. Kandidatët e interesuar, për të qenë anëtarë të Bordit Disiplinor të Dhomës Kombëtare të Noterisë, duhet të plotësojnë kushtet ligjore të parashikuara në pikën 2, të nenit 42, të ligjit nr. 110/2018, “Për noterinë”, ku parashikohet se:

*“2. Kandidatët e zgjedhur, sipas pikës 1 të këtij neni, duhet të plotësojnë kushtet e mëposhtme:*

- a) të jenë shtetas shqiptarë;*
- b) të kenë përfunduar ciklin e dytë të studimeve universitare për drejtësi ose diplomë të njësuar me të;*
- c) të kenë jo më pak se 15 vjet përvojë profesionale si jurist;*
- ç) të mos jenë shkarkuar nga detyra për shkaqe disiplinore, si dhe të mos kenë masë disiplinore në fuqi;*
- d) të mos kenë qenë dënuar me vendim gjyqësor të formës së prerë për kryerjen e një vepre penale;*
- dh) të mos kenë qenë anëtarë, bashkëpunëtorë ose të favorizuar të ish-Sigurimit të Shtetit, në kuptimin e legjislacionit në fuqi për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë;*
- e) në kohën e kandidimit, të mos kenë asnjë anëtar të familjes, si dhe të afërm të shkallës së parë që është noter në detyrë.”*

2. Në përzgjedhjen e anëtarëve të Bordit Disiplinor preferencë do të kenë kandidatët që zotërojnë titull ose gradë shkencore ose kanë eksperiencë të provuar shkencore dhe/ose profesionale në çështjet e së drejtës civile.

3. Kandidatët e interesuar duhet të depozitojnë me postë, dorazi në protokollin e institucionit apo në rrugë elektronike pranë institucionit përkatës, dokumentacionin e mëposhtëm:

- a) kërkesë për shprehje interesi;
- b) jetëshkrim;
- c) kopje të mjetit të identifikimit;
- ç) diplomë që vërteton përfundimin e ciklit të dytë të studimeve universitare për drejtësi ose diplomë të njësuar me të;
- d) vërtetim nga punëdhënësi aktual apo ai i mëparshëm, ku të përcaktohet vjetërsia në punë dhe fakti nëse ka apo jo masa disiplinore, shoqëruar me kopje të librezës së punës;
- dh) autorizim për verifikimin e gjendjes gjyqësore;
- e) deklaratë se nuk ka qenë anëtar, bashkëpunëtor ose i favorizuar i ish-Sigurimit të Shtetit, në kuptimin e legjislacionit në fuqi për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë dhe autorizimin përkatës për kryerjen e verifikimeve;

ë) deklaratë se nuk ka asnjë anëtar të familjes, si dhe të afërm të shkallës së parë që është noter në detyrë;

f) çdo dokument tjetër provues që vërteton plotësimin e kriterëve ligjore.

4. Afati për dorëzimin e dokumentacionit pranë Ministrisë së Drejtësisë është data 25.9.2020.

5. Kandidatët e interesuar për të qenë anëtarë të Bordit Disiplinor të Noterisë nuk duhet të jenë anëtarë të Bordit të Auditimit, si dhe të organeve të tjera drejtuese të Dhomës Kombëtare të Noterisë.

6. Për secilin kandidat që ka përcjellë shprehje interesi përgatitet relacion, me të cilin kandidati ka të drejtë të njihet në përfundim të procedurës administrative. Pas procesit të vlerësimit, secilit kandidat i njoftohet



vendimmarrja, së bashku me relacionin e përgatitur për kandidatin.

7. Kandidatët e interesuar, kanë të drejtën e ankimit, brenda 3 ditëve nga dita e njoftimit, sipas pikës 11 të këtij urdhri.

8. Lista përfundimtare e renditjes së kandidatëve publikohet në faqen zyrtare të Ministrisë së Drejtësisë.

9. Vendimi për kandidatin fitues, formalizohet me aktin përkatës administrativ të ministrit të Drejtësisë dhe publikohet në faqen zyrtare të institucionit përkatës dhe në Buletinin e Njoftimeve Zyrtare të Republikës së Shqipërisë, si dhe u komunikohet njëkohësisht kandidatëve fitues dhe Dhomës Kombëtare të Noterisë.

10. Nëse kandidati fitues, sipas renditjes përfundimtare, tërhiqet, përzgjidhet kandidati i renditur menjëherë pas tij në listë.

### **PËR SHPREHJE INTERESI TË KANDIDATËVE TË INTERESUAR PËR T'U ZGJEDHUR ANËTAR I KOMISIONIT DISIPLINOR TË PËRMBARUESVE GJYQËSORË PRIVATË**

Në zbatim të nenit 73, të ligjit nr. 26/2019, “Për shërbimin përmbarrimor gjyqësor privat”, dhe të urdhrit të ministrit të Drejtësisë nr. 197, datë 26.6.2020, “Për miratimin e rregullave për paraqitjen, trajtimin e shprehjeve të interesit, si dhe verifikimin e plotësimit të kushteve ligjore, për anëtarët e Komisionit Disiplinor të Përmbarruesve Gjyqësorë Privatë”, **Ministria e Drejtësisë shpall kërkesën për shprehje të interesit të kandidatëve të interesuar për t’u zgjedhur anëtarë të Komisionit Disiplinor të Përmbarruesve Gjyqësorë Privatë, për një anëtar i cili zgjidhet nga ministri i Drejtësisë.**

1. Kandidatët e interesuar për të qenë anëtarë të Komisionit Disiplinor të Përmbarruesve Gjyqësorë Privatë duhet të plotësojnë kushtet ligjore të parashikuara në pikën 2, të nenit 73, të ligjit nr. 26/2019, “Për shërbimin përmbarrimor gjyqësor privat”, ku parashikohet se:

*“2. Kandidatët e zgjedhur sipas pikës 1, shkronjat “a” dhe “b”, të këtij neni, duhet të plotësojnë kushtet e mëposhtme:*

- a) të jenë shtetas shqiptarë;*
- b) të kenë përfunduar ciklin e dytë të studimeve universitare për drejtësi ose diplomë të njësuar me të;*
- c) të kenë jo më pak se 10 vjet përvojë profesionale si jurist;*
- ç) të mos jenë shkarkuar nga detyra për shkaqe disiplinore, si dhe të mos kenë masë disiplinore në fuqi;*
- d) të mos kenë qenë dënuar me vendim gjyqësor të formës së prerë për kryerjen e një krimi;*
- dh) të mos kenë qenë anëtarë, bashkëpunëtorë ose të favorizuar të ish-Sigurimit të Shtetit, në kuptimin e legjislacionit në fuqi për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë;*
- e) në kohën e kandidimit, të mos kenë asnjë anëtar të familjes, si dhe të afërm të shkallës së parë që është përmbarrues gjyqësor në detyrë.”*

2. Në përzgjedhjen e anëtarëve të Komisionit Disiplinor kanë përparësi kandidatët që zotërojnë titull ose gradë shkencore ose kanë eksperiencë të provuar shkencore dhe/ose profesionale në çështjet e së drejtës civile.

3. Kandidatët e interesuar për të qenë anëtarë të Komisionit Disiplinor të Përmbarruesve Gjyqësor Privatë të zgjedhur nga Ministria e Drejtësisë dhe Shkolla e Magjistraturës, duhet të depozitojnë me postë, dorazi në protokollin e institucionit apo në rrugë elektronike pranë institucionit përkatës, dokumentacionin e mëposhtëm, vërtetues të plotësimit të kushteve ligjore:

- a) kërkesë për shprehje interesi;
- b) jetëshkrim;
- c) kopje të mjetit të identifikimit;
- ç) diplomën që vërteton përfundimin e ciklit të dytë të studimeve universitare për drejtësi ose diplomë të njësuar me të;
- d) vërtetimi nga punëdhënësi aktual apo ai i mëparshëm, ku të përcaktohet vjetërsia në punë dhe fakti nëse ka apo jo masa disiplinore, shoqëruar me kopje të librezës së punës;
- dh) autorizim për verifikimin e gjendjes gjyqësore;



e) deklaratë se nuk ka qenë anëtar, bashkëpunëtor ose i favorizuar i ish-Sigurimit të Shtetit, në kuptimin e legjislacionit në fuqi për të drejtën e informimit për dokumentet e ish-Sigurimit të Shtetit të Republikës Popullore Socialiste të Shqipërisë dhe autorizimin përkatës për kryerjen e verifikimeve;

ë) deklaratë se nuk ka asnjë anëtar të familjes, si dhe të afërm të shkallës së parë që është përmbarues në detyrë;

f) çdo dokument tjetër provues që vërteton plotësimin e kriterëve ligjore.

4. Afati për dorëzimin e dokumentacionit pranë Ministrisë së Drejtësisë është data 25.9.2020.

5. Për secilin kandidat që ka përcjellë shprehje interesi përgatitet relacion, me të cilin kandidati ka të drejtë të njihet në përfundim të procedurës administrative. Pas përfundimit të procesit të verifikimit të plotësimit të kushteve ligjore, secilit kandidat i njoftohet vendimi për plotësimin ose jo të kushteve ligjore.

6. Kandidatët e interesuar kanë të drejtën e ankimit, brenda 3 ditëve nga dita e njoftimit.

7. Lista përfundimtare e renditjes së kandidatëve publikohet përkatësisht në faqen zyrtare të institucioneve.

8. Vendimi për kandidatin fitues, formalizohet me aktin përkatës administrativ të ministrit të Drejtësisë dhe publikohet në faqen zyrtare të Ministrisë së Drejtësisë dhe në Buletinin e Njoftimeve Zyrtare të Republikës së Shqipërisë.

9. Nëse kandidati fitues, sipas renditjes përfundimtare, tërhiqet, përzgjidhet kandidati i renditur menjëherë pas tij në listë.

### NJOFTIM

Nr. 15903, datë 26.8.2020

### PËR SHITJE ME ANKAND TË PRONËS SHTETËRORE, NË ADMINISTRIM TË INSTITUTIT TË PËRGATITJES SË QENËVE TË POLICISË TIRANË

Në zbatim të vendimit të Këshillit të Ministrave nr. 926, datë 29.12.2014 "Për kriteret e vlerësimit të pronës shtetërore, që privatizohet apo transformohet dhe procedurën e shitjes", shpall për shitje me vam të ulur si më poshtë:

#### 1. Në administrim të Institutit të Përgatitjes së Qenëve të Policisë, Tiranë

| Nr. | Emërtimi       | Datëlindja | Vendndodhja | Vlera fillestare e ankandit në lekë | Zhvillimi i ankandit |       |       |
|-----|----------------|------------|-------------|-------------------------------------|----------------------|-------|-------|
|     |                |            |             |                                     | Data                 | Ora   | Vendi |
| 1   | Qeni "Deja"    | 9.1.2016   | Tiranë      | 6,000                               | 23.9.2020            | 09:00 | DDPP  |
| 2   | Qeni "Jaro"    | 29.5.2009  | Tiranë      | 4,000                               | 23.9.2020            | 09:15 | DDPP  |
| 3   | Qeni "Nando"   | 7.12.2009  | Tiranë      | 4,000                               | 23.9.2020            | 09:30 | DDPP  |
| 4   | Qeni "Rika"    | 9.12.2013  | Tiranë      | 4,000                               | 23.9.2020            | 09:45 | DDPP  |
| 5   | Qeni "Laza"    | 30.7.2018  | Tiranë      | 7,500                               | 23.9.2020            | 10:00 | DDPP  |
| 6   | Qeni "Kleo"    | 30.7.2018  | Tiranë      | 7,500                               | 23.9.2020            | 10:15 | DDPP  |
| 7   | Qeni "Doni"    | 10.11.2018 | Tiranë      | 7,500                               | 23.9.2020            | 10:30 | DDPP  |
| 8   | Qeni "Zari"    | 10.11.2018 | Tiranë      | 7,500                               | 23.9.2020            | 10:45 | DDPP  |
| 9   | Qeni "Kif"     | 22.6.2019  | Tiranë      | 7,500                               | 23.9.2020            | 11:00 | DDPP  |
| 10  | Qeni "Epsi"    | 22.6.2019  | Tiranë      | 7,500                               | 23.9.2020            | 11:15 | DDPP  |
| 11  | Qeni "Deni"    | 13.6.2019  | Tiranë      | 7,500                               | 23.9.2020            | 11:30 | DDPP  |
| 12  | Qeni "Lisa"    | 11.5.2011  | Tiranë      | 4,000                               | 23.9.2020            | 11:45 | DDPP  |
| 13  | Qeni "Rolfi"   | 9.12.2013  | Tiranë      | 4,000                               | 23.9.2020            | 12:00 | DDPP  |
| 14  | Qeni "Leca"    | 29.7.2014  | Tiranë      | 4,000                               | 23.9.2020            | 12:15 | DDPP  |
| 15  | Qeni "Karmeni" | 16.3.2014  | Tiranë      | 4,000                               | 23.9.2020            | 12:30 | DDPP  |
| 16  | Qeni "Ango"    | 7.5.2013   | Tiranë      | 4,000                               | 23.9.2020            | 12:45 | DDPP  |
| 17  | Qeni "Devil"   | 19.11.2016 | Tiranë      | 5,000                               | 23.9.2020            | 13:00 | DDPP  |
| 18  | Qeni "Bianka"  | 8.8.2014   | Tiranë      | 4,000                               | 23.9.2020            | 13:15 | DDPP  |



Çdo person fizik apo juridik i interesuar për blerje duhet të paraqesë në vendin, datën dhe orën e njoftuar pranë komisionit të ankandit dokumentacionin si më poshtë:

1. **Kërkesë me shkrim** për blerje e regjistruar pranë protokollit të Ministrisë së Financave.

2. **Garancinë bankare apo mandatpagesën** në original që vërteton ngurtësimin e 20% të vlerës së fillimit të ankandit, në lekë për llogari të Ministrisë së Financave.

3. **Dokument identifikimi** (pasaportë biometrike ose letërnjoftim).

**Shënim:** Pjesëmarrësit në ankand, i cili tërhiqet nga ankandi pa dhënë asnjë ofertë për vlerën shpallur për shitje, i konfiskohet 20% e

garancisë bankare, e ngurtësuar për pjesëmarrje në ankand.

Garancia bankare apo mandatpagesa duhet të bëhet detyrues brenda afatit të pranimi të kërkesave për pjesëmarrje në ankand. Garancia bankare apo mandatpagesa mund të bëhen pranë çdo banke të nivelit të dytë në llogaritë respektive të hapura për Ministrinë e Financave pasi të kenë tërhequr pranë DDPP-së ose degëve të thesarit në rrethe faturën për arkëtim të plotësuar dhe të nënshkruar nga përfaqësuesi i institucionit.

Këto informacione gjenden edhe në faqen e internetit të Ministrisë së Financave dhe Ekonomisë: [www.financa.gov.al](http://www.financa.gov.al).



Buletini i Njoftimeve Zyrtare shpërndahet falas në çdo pikë të Postës Shqiptare.  
Përmbajtja e Buletinit Zyrtar mund të konsultohet falas dhe pranë Qendrës së Botimeve Zyrtare.

*Shënim: Ky dokument është gjeneruar dhe vulosur me anë  
të një procedure automatike nga një sistem elektronik  
(Qendra e Botimeve Zyrtare)*

**Tiranë, 2020**